

REGLUGERÐ

fyrir læknisvitjanasjóð Ögurhéraðs í Norður-Ísafjarðarsýslu.

1. gr.

Sjóðurinn heitir Læknisvitjanasjóður Ögurhéraðs í Norður-Ísafjarðarsýslu. Er starfssvið hans fimm hreppar nefnds héraðs, Súðavíkur-, Ögur-, Reykjarfjarðar-, Nauteyrar- og Snæfjallahreppar. Sjóður þessi er stofnaður samkvæmt lögum nr. 59 4. júlí 1942, um læknisvitjanasjóði.

2. gr.

Markmið sjóðsins er að styrkja íbúa nefndra hreppa til læknisvitjana eða auðvelda þeim lækniðsóknina á annan hátt, svo og að létta héraðsbúum aðrar sjúkdómsbyrðar og hlynna að heilbrigðismálum héraðsins yfirleitt.

3. gr.

Í stjórn sjóðsins eru: Sýslumaðurinn í Norður-Ísafjarðarsýslu og tveir menn, kosnir á sameiginlegum fundi oddvita þeirra hreppa, er að sjóðnum standa. Sýslumaður er formaður sjóðstjórnarinnar og er reikningshaldari og gjaldkeri sjóðsins.

4. gr.

Tekjur sjóðsins eru:

1. Tillag ríkisins, er nemur árlega 2 — tveim — krónum á hvern íbúa þeirra hreppa, er að sjóðnum standa.
2. Tillag hreppanna, er nemur 1 — einni — krónu á hvern íbúa áðurnefndra hreppa
3. Áheit og gjafir, er sjóðnum kunna að áskotnast.
4. Læknisvitjanastyrkir, sem veittir kunna að verða.

5. gr.

Að liðnu hverju almanaksári og eigi síðar en fyrir lok janúarmánaðar næsta ár skulu allir reikningar yfir kostnað þann, er sjóðnum er ætlað að taka þátt í, vera komnir til formanns sjóðstjórnarinnar, og skal þá sjóðstjórnin úthluta styrkjum úr sjóðnum.

6. gr.

Tillagi ríkissjóðs samkv. 1. tölulið 4. greinar ásamt tilskildu þriðjungs framlagi á móti, svo og læknisvitjanastyrkjum, sem veittir kunna að verða á fjárlögum til héraðsins samkv. 4. lið 4. gr., má aðeins verja til styrktar héraðsbúum vegna kostnaðar af læknisvitjunum.

Héraðsbúar njóta að jafnaði læknisvitjanastyrks úr sjóðnum í hlutfalli við kostnað þeirra af læknisvitjunum. Þó geta þeir eigi væntzt slíkra styrkja úr sjóðnum, sem ekki hafa orðið fyrir minnst kr. 30.00 kostnaði á árinu.

Að öðru jöfnu ganga þeir fyrir um styrki, sem lengst og erfiðast eiga til læknis að sækja.

7. gr.

Fé sjóðsins skal ávaxta, eftir því sem við verður komið, og á tryggan hátt, en gæta skal þess jafnan, að sá hluti þess, sem verja ber til læknisvitjanastyrkja, sé jafnan handbær, ef til þess þarf að taka.

8. gr.

Reikningsár sjóðsins er almanaksárið, og skulu reikningar sjóðsins endurskoðaðir af endurskoðanda sýslusjóðsreikninga Norður-Ísafjarðarsýslu árlega. Skal landlækni sent eitt eintak reikninga sjóðsins, áður en tillag ríkisins til sjóðsins verður greitt fyrir næsta ár.

9. gr.

Sjóðstjórnin skal haga þannig starfsemi sjóðsins, að þeir héraðsbúar, sem eru í sjúkrasamlagi, verði að öðru jöfnu eigi verr settir að því, er tekur til aðstoðar sjóðsins, en aðrir héraðsbúar.

Reglugerð þessi, sem sett er samkvæmt heimild í lögum nr. 59 4. júlí 1942, staðfestist hér með til að öðlast gildi þegar í stað.

Í heilbrigðismálaráðuneytinu, 13. marz 1946.

Finnur Jónsson.

Gústav A. Jónasson.

REGLUGERÐ

fyrir læknisvitjanasjóð Hálshrepps í Suður-Þingeyjarsýslu.

1. gr.

Sjóðurinn heitir Læknisvitjanasjóður Hálshrepps í Akureyrar- og Höfðahverfis-læknishéruðum og er stofnaður samkvæmt lögum nr. 59 4. júlí 1942, um læknisvitjanasjóði.

2. gr.

Markmið sjóðsins er að styrkja íbúa Hálshrepps til læknisvitjana eða auðvelda þeim læknissóknina á annan hátt og hlynna að heilbrigðismálum hreppsins.

3. gr.

Í stjórn sjóðsins eru hreppstjórinn í Hálshreppi og tveir menn aðrir, kosnir af hreppsnefnd. Hreppstjórinn er formaður sjóðstjórnarinnar og jafnframt reikningshaldari og gjaldkeri sjóðsins.

4. gr.

Tekjur sjóðsins eru:

1. Tillag ríkissjóðs, er nemur á ári 2 krónum á hvern íbúa Hálshrepps.
2. Tillag hreppsins, er nemur á ári 1 krónu á hvern hreppsúa.
3. Áheit og aðrar gjafir, er sjóðnum kunna að áskotnast.
4. Læknisvitjanastyrkur, sem veittur kann að verða.

5. gr.

Að liðnu hverju almanaksári og fyrir lok janúarmánaðar næsta ár úthlutar sjóðstjórnin styrkjum úr sjóðnum að fengnum umsóknum þeirra, er styrks æskja. Umsækjendur senda umsóknir sínar ásamt skilríkjum til formanns sjóðstjórnarinnar.

6. gr.

Tillagi ríkissjóðs samkv. 1. tölulið 4. gr. ásamt tilskildu þriðjungsframlagi á móti, svo og læknisvitjanastyrk samkv. 4. lið 4. gr., má aðeins verja til styrktar hreppsbúum vegna kostnaðar af læknisvitjunum. Hreppsbúar njóta að jafnaði læknis-